

UNIVERZITET U TUZLI

Broj: 01-109-JN-9/16

Tuzla, 23.11.2016. godine

Na osnovu člana 69. stav (2) tačka e) Zakona o javnim nabavkama BiH («Službeni glasnik BiH» broj: 39/14) i člana 89. Statuta Univerziteta u Tuzli (Drugi prečišćeni tekst) broj: 03-2776-3/14-1 od 21.05.2014. godine, a nakon razmatranja Zapisnika Komisije o ocjeni ponuda broj: 01-109-JN-9/16 od 21.11.2016. godine, Rektor Univerziteta u Tuzli donio je

O D L U K U

o poništenu postupka javne nabavke

I

Poništava se postupak javne nabavke u predmetu broj: 01-109-JN-1/16 od 12.10.2015. godine koji se odnosi na nabavku hljeba, slatkih i slanih peciva za potrebe restorana Studentskog centra Univerziteta u Tuzli iz razloga što je cijena prihvatljive ponude značajno veća od sredstava Univerziteta u Tuzli osiguranih za ovu nabavku.

II

Ova Odluka će se objaviti na internet stranici Univerziteta u Tuzli, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 2. Zakona o javnim nabavkama BiH.

III

Uz ovu Odluku ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocijeni ponuda u skladu sa članom 71. stav 2. Zakona o javnim nabavkama BiH, u roku od sedam dana od dana donošenja.

IV

Ova Odluka stupa na snagu danom donošenja.

Obrazloženje

Univerzitet u Tuzli pokrenuo je postupak javne nabavke hljeba, slatkih i slanih peciva Odlukom broj: 01-109-JN-1/16 od 12.10. 2016.godine. Javna nabavka je provedena po Konkurentskom zahtjevu za dostavu ponuda. Univerzitet u Tuzli objavio je obavještenje o nabavci broj: 795-7-1-114-3-109/16 od 07.11.2016. godine na Portalu e-nabavke i web stranici Univerziteta.

Komisija za javne nabavke imenovana Rješenjem Rektora Univerziteta, blagovremeno je dostavila Zapisnik o otvaranju ponuda i Zapisnik o pregledu i ocjeni pristiglih ponuda. Iz navedenih zapisnika proizilazi da su u predmetnom postupku pristigle dvije ponude od strane O.R. pekara „Isajbegović“ Kalesija i „Klas“ d.o.o. Srebrenik.

Pregledom kompletne dokumentacije Komisija je utvrdila da ponuđač OR pekara „Isajbegović“ Kalesija nije lično preuzeo tendersku dokumentaciju sa Portala e- nabavke zbog čega se ne nalazi u *Izvjestaju o preuzimanju tenderske dokumentacije* koji se objavljuje na Portalu. Zbog činjenice da je O.R. pekara „Isajbegović“ Kalesija došao u posjed tenderske dokumentacije na način koji nije predviđen zakonom i konkretnim postupkom on **ne može biti učesnik u datom postupku javne nabavke, jer se radi o načinu preuzimanja koji nije predviđen članom 55. Zakona. Da bi ponuđač učestvovao u postupku javne nabavke za koji je tenderska dokumentacija objavljena na Portalu javnih nabavki, nije dovoljno da ponuđač bude registrovan i aktiviran, već i da direktno preuzme tendersku dokumentaciju za konkretni postupak.** Zbog naprijed navedenog Komisija pristiglu ponudu ponuđača OR Pekara „Isajbegović“ Kalesija nije evaluirala u daljem postupku i ista se je odbačena kao neprihvatljiva.

Ponudu ponuđača „Klas“ d.o.o. Srebrenik Komisija je detaljno pregledala i konstatovala da je navedeni ponuđač dostavio sve dokaze zahtijevane Tenderskom dokumentacijom zbog čega je ocijenjen kvalifikovanim za dobro obavljanje posla. Međutim, ponuđena cijena iste je značajno veća od osiguranih sredstava za predmetnu nabavku zbog čega je Komisija predložila da se postupak javne nabavke poništi u skladu sa odredbom člana 69. stav (2) tačka e.) Zakona o javnim nabavkama BiH.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Rektor Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba ugovornom organu Univerzitetu u Tuzli u roku od 5 (pet) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:
01-109-JN-8/16 od 21.10.2016. godine

DOSTAVITI:
1x učesnicima
1x a/a

REKTOR

Prof.dr.sc. Samir Nurić

